

Wie nun die Probirgewicht stückweiß / vnnnd wie schwer abgetheilt werden sollen / davon ist oben auff dem 13. vnd 14. Blat bericht zu finden.

Von Abtheilung des Centner Gewichts.

Sleich wie die Bren / Pfenning / vnnnd Karat gewicht / vmb der gewissen schwer willen / von oben herab getheilt werden / also solle es mit dem Centner gewicht auch geschehen. Weil aber in den Pfunden desselben / vngleiche theil seynd / das verstehe also: Der Centner hat 100. Pfund / der halb 50. Pfund / vnnnd das vierthel 25. Pfund / vnnnd man wil darauff 16. Pfund theilen / welches einem / der der Abtheilung nicht wol berich- tet / mühsam seyn wirt / so solt du ihm also thun : Wann du die Abtheilung bisz auff's viertel des Centners recht gemacht hast / so wieg solch viertel Centners gegen einem Probirgewicht (es sey gleich ein Centner oder Pfenning gewicht) ab / vnnnd wie viel solches wiegt / nach dem kanst du deine Rechnung machen / wie viel 16. Pfund wegen sollen / Nimb des ein Exempel / Ich setz die neuen abgetheilten 25. Pfund / wegen am Pfenning gewicht ein Marck 13. loth 3. quintlein. So sprech ich die 25. Pfund wegen ein Marck 13. loth 3. quintlein / was werden 16. Pfund wegen / so kommen 19. loth 0. quintl 0. Pfenning ein Heller / vnd zu prüffen ein wenig mehr als ein viertel eines Hellers / also schwer müsten alsdann sech- zehen Pfund wegen / Nach diesem Gewicht oder 16. Pfunden / theil dann mit klein gekörnten Kupffer vollent dein Gewicht ab / auff's kleinste wie du zuvor bericht bist worden / Vnnnd ob gleich der Centner mehr Pfund hette / so kan man doch die vngleiche abtheilung daran / durch solches gleich- cher gestalt auch finden.

vngleiche theil.

So nun das Probirgewicht ganz vnnnd gar fertig gemacht ist wor- den / so zeuch es gleicher gestalt vom kleinsten / bisz auff's grösste / wie du mit dem vorigen gethan hast / mit fleiß auff / Virt dann daran noch ein mangel befunden / so wend denselbigen auch / dann darnach wenig vn- terscheid seyn wirt / vnnnd dennoch der Centner in deiner begerten schwer bleiben.

Damit du aber gleichwol gewiß seyst / ob deine Probir Gewicht *Ob die Pro- birgewichte recht gemae- chet seyn.* just vnd gerecht seyn / so setz dieselbigen hin / vnnnd mach noch ein Probir- gewicht / diesem an der schwer gleich / Leg als dann die gemachten Ge- wichte / so in ein Probirgewicht gehörig / alle zusammē in ein schnelle Pro- birwag /